

G. 3896. 18

No G. 3896 18

Vol 1



Bought with the
Charlotte Harris Fund
Charlestown Branch.



Digitized by the Internet Archive
in 2010 with funding from
Boston Public Library

cy.
sm.

15

77


2613

15

F O V C A D E
A V X E S T A T S,

*Par Gabriel le bien-Venu, Gentil-
homme Angoumoisins.*

M. D C. X V.



*FOUCADE AUX ESTATS,
par Gabriel le bien Venu, Gentil-
homme Angoumoisain.*

Sus Mathault, debout, debout: Et vous, bon homme, qui premier auez mis la faux au pré, dormez vous ou quoy? Marmé, il ne faut plus s'amuser à escrire, *Tempus est de somno surgere*, ce dict l'Apôstre, & si nous auons quelque chose à denoncer pour le bien de la paix & reformation des vieux chemins, c'est à ce coup sans dilayer qu'il le faut aller dire de vive voix: la conuocation des Estats est desia faite, & chacun se di pose d'y porter le nez pour en dire sa ratelee, tendant tousiours à sa gloire particuliere, & à descharger la malencôtre sur l'asne de son voisin, qui de son costé n'en fait pas moins à celui qui vient apres, & ainsi consecutiuelement iusques au bout, de main en main, passe parole. Tri-potin sous bonne & authentique charge y doit faire sa comparutiõ en faueur des Ecclesiastiques Iodels, à condition de se faire ratifier à la noblesse, qui est vn peu subiette à caution, a desia dressé son equipage prest à chauffer la tricousse de cuir: Et Bruscam-bille le bõn rompu, se met en deuoir pour le tiers Estat de pencistheniser à tort & à trauers, & tenir le superius entre cestrois parties, mieux qu'il n'aia mais fait avec les freres come liens, dont le renom s'est espandu par l'vniuers comme la clarté d'une chandelle morte.

Donc comme il n'est point de vertu plus sauou-ree que celle qui s'acquiert par vn grand labeur, & que la sentence de contumace est beaucoup plus

subiecte à reuocation que celle qui est donnée sur
pieces veuës, ou bien entre parties ouïes. Permettrés
(Messieurs les deputez) ores que les duels soient
defendus, que nous soyons trois pour trois en cet
affaire, & ne soit rien mis sur le tapis par precipita-
tion, si vous auez enuie de faire fanfare, & que tout
aille bien, sans nous donner sujet de présenter re-
queste ciuile, tendante à la refansa, qui seroit n'auoir
iamais de bout non plus qu'au proces de Parnus.

Le bon homme Iaques comme premier en aage &
en hypothèque d'honneur, enfilans les oreilles com-
me vn asne qui boit dans vn seau, prendra la patien-
ce en barbe venerable & à teste reposee, d'escouter
les raisons qui concernerons l'estat de l'Eglise & de
ses supposts, faisant du Gymno-sophiste en vne
chaire, & representant les armoiries de Bourges au
naturel. Mathault le bon matois auec sa iaquette
de gris, historiee en vieille souquenie, sera interposé
pour contrequarrer les libertez & preeminences
toutes nouuelles de nos petits Gentils-hommes
Champestres, qui prenans le frein aux dents vou-
droient tous tant qu'ils sont estre Roys de leurs pa-
roisses sans recognoistre aucune souueraineté, &
faire des Edits à la trote qui mode pour y assubiet-
tir les pauvres laboureurs. Moy Gabriel, mieux ve-
nu que tout autre faisant le tiers pied du Tre-pied,
& le dernier de ce *Trium-virat*, seray affuté comme
vn galand, attendant & entendant auec patience, ce
qui sera dit du reste de nos gens : mais sur tous de
Messieurs de la Iustice qui ne māqueront pas à mon
aduiz, de faire leur sauce bonne : puis que les meil-
leures espices leur tombent si souuent à la main, &
que les belles parolles leur naissent tousiours à la
bouche, comme les grenouilles aux marets. Si ie

dis à gorge chaude que se font des larrons (comme
c'est ma coustume de n'espargner la verité) Ha!
miserable ie suis perdu, me voila tour incontinent
fulminé de decrets & de sentences executaires, no-
 obstant oppositions où appellations quelconques
ne seront que sergents & sathelites à ma queue.
Et pourquoy faire sinon pour me traîner à l'escor-
che-cul? mais où à vostre aduís? dans le venerable
sachot qui me seruira de pourpoint, avec les fers
aux iambes pour aprendre à danser les sonnettes.
Bref, pauvre Gabriel qu'ayie peur, tu ne seras pas le
trop bien venu, sinon que ceste liberté tienne lieu
qui a esté demandé auant la main par Messieurs de
pretenduë: car en ce cas il te sera permis en bon
politique de descharger ta conscience, & degoiser
ton tour comme vn beau petit Rossignol, puis
que les sciences sont espanduës, & qu'il n'y a si bi-
le archer qui quelquesfois ne vise droit au blanc.
Mais que disje? Apres auoir prou bajé & rebajé,
poy meins, poy mays, autant d'vn costé que d'au-
tre, il vaut mieux par anticipation & sans attendre
enceinte d'vne espouuëtable tourbe de peuple qui
te feroit perdre l'esme comme au compere Alanu,
poy dy-je, qui ay esté nourry au cul d'vne Abbaye,
eueué comme vn moyne lay entre les freres Be-
dictins, que ie prene la tasche du bon homme, &
commence à ratiociner vn petit sur le fait dont est
question, faisant comme ces chiens de vilage qui
ayent de loingt aux passants, de peur qu'il leur
tombe sur le museau quelque miche S. Estienne.
pourquoy m'en voudrois ie taire, s'il a esté loi-
sable à vn Asne d'arguer son maistre, & parler en
sa langue humaine iusqu'à la face d'vn Ange? Pourquoy
ne puis-je muer en vne occasion si preignante, puis

que le cheual d'Achille au milieu d'une armee s'est bien acquis autrefois l'audiui, & fait vne longue harangue comme si c'eust esté quelque grand Capitaine ?

Mon Roy, c'est à vous à qui ie veûx premierement ergotter, sçachant que parlant à vous, c'est parler tout le monde, & vous dire que n'estant ny l'un ny l'autre, ny cheual-afne, ny afne cheual, mais bien l'auori des plus gaillardes Muses, ie ne doibs point estre interdit au deuoir d'Orateur, veu qu'en vray patriote ie me tiens tousiours de vostre costé avec le Cimeterre à demy tiré sur la cuisse, prest à donner vn horizon, *alias* vne estafilade, sur les oreilles de quelque Malchus audacieux que i'entens gronder à part soy, & remasche des paroles entre les dents dont les moindres à les bien noter sont tousiours autât de blasphemes; mais puis que le cas le requiert i'imposeray silence à la fureur, pour donner carrière à ma plume, afin de vous faire entendre *inter priuati parietes* comme qui le publieroit à son de trompe, & qu'entre moy, Mathault & le Bon-homme, nous auons premedité de bon deüement enthousiaser.

Premierement ie suis d'aduis que l'ouuerture d'Estats soit faicte par ceste belle resolution, que vostre mariage d'Espagne sera consommé tout du lèu de l'aune, & irois querir vostre future dans le mois d'Auril prochain, afin que vous puissiez le lendemain S. Eutrope planter le May ioyeux au seuil de sa porte amoureuse, à la charge que vous contenterez de ses embrassements sans aller en garouillage muguer les femmes des autres. partant qu'il vous arriuaist d'enfreindre ceste règle de continence, & qu'il en sortist des éclats de chippiserie (comme il n'est feu si caché qui ne pour

quelque fumee) on les expediera sur le champ, suivant l'opinion de Saturne, non pas pour vous les faire manger, à vous qui les aurez engendrez, mais bien à quelque gros Suyfle affamé que nous tiendrons à gages pour cet effet. Et ne pensent pas nos belles courtilanes nous donner du chat par les griffes, & en lieu du fruit de leur ventre nous supposer vne pierre comme à ce vieux Antropophage qui les aualoit sans macher, Voire quand vous vous mettriez en debvoir de les faire legitimer, nous vous donnerons plus de fatigue pour cela que n'ont iamais eu les Iesuites à la canonisation saint Ignace. Vostre pere le bon sire, qui fut vn grand abbateur de bois n'en a que trop fait de ce costé, Et si ie l'ose dire il semble que vous en ayez vn peu les aisles plus courtes. Aussi qu'auons nous affaire d'alterer nos desirs de ce costé quand nous en auons plus qu'il ne nous en fault de beaucoup; Vn bon Escogriphe parlant des femmes l'autre iour disoit en se riant (*Ridendo quid retat dicere verum*) qu'il y auoit autât d'vne femme que d'vn Curé en vne parroisse, & s'il est vray ce que disent nos bonnes Matrones que celles seront grandement amoureuses qui vont souuent à la tetine, quand elles sont petites, la vostre à mon aduis qui est grassete & potelee vous obligera souuant au combat, car il me souuiét l'auoir veue en maillot au voyage que ie fis au de la Compostelle, enuiron les calendes de Mars en la quinziesme Olympiade, la nourrice à poitrine ouuerte, dont la nege surpassoit celle des Monts Pyrenees, la mignotroit entre les bras d'vne bien gailarde façon, & elle faisant la folastre fougeoit là delans du nez & de la bouche comme vne petite poulle espagnolle, la mamatoit, la babatoit de ses mie-

nottes, sucçoit & sucçoit ses mammelles, puis redou-
bloit encore à teter, ainsi que ces colombes qui tour-
nent cinq ou six fois le bec en l'eau, & tire, tire, tire,
iusques à ce qu'entre tant de plaisirs le sommeil luy
ferma les paupieres : mais de si bonne grace, que par
la mort de ma vie i'en fus tout esperdu d'admiration
& fis dès là mon iugement qu'elle seroit d'assez bon-
ne paste pour meriter d'estre embrassée & brassée
d'un Roy de France, tel que vous estes, qui porte au
centre de ses gregues, le flambeau du petit Amour.

Fiat, fiat, disons amen : en l'honneur d'un si bel Hymen.

Secundo, que pour chasser le loup du bois, oster la
pierre de diuorce, marcher tous d'un accord sous
l'estendart du bon Iesus qui est vostre Roy comme
le nostre. Et n'auoir qu'une religion entre nous Frā-
çois qui sommes les mignons de la terre ; il soit fai-
vne belle grande petite dispute de Theologie de si-
à six en contraire party, sous la faueur de laquelle
les erreurs seront mis au iour, puis aneanties sur le
champ tant que cy apres on n'en soit plus embegu-
né, & que chacun se contienne au debuoir qui leu-
fera prescript sans aller barginer deçà delà & cherche
les alibi forains pour tousiours allonger la corde.
Si l'huguenot est biē fondé (ce que ie ne peus croire
& bien de par Dieu, nous irons au presche escoute
le Sinistre, & entonner ioyeusement & de hait le
Pseaumes du bon David sont les accords de la vez
de Beze & de Marot son coasnier : Mais si la Mess
est du temps des Apostres & qu'on en trouue la fi-
gure au vieil Testament, Messieurs les surueillan
par vne cotte mau-taillee viendront sonner les F
chilles quand nous irons en procession, les autr
seront condemnez tour à tour d'y porter la croix
la banniere. Toute restitution de fruits, actiōs d'i-
iure

res & excès , dommages intereſts , & deſpens
ompenſez entre les parties.

Ha Miſſe Lifard ie vous entends , Vous vous faſ-
chez que ie demeure court ſur cet article , & paye-
riez volontiers la douzaine d'Eſcreuiſſes à la capi-
otade , ſi ie diſois hardiment deuant tous ce que
vous ruminâtes l'autre iour entre la pinte & le ver-
e. Que c'eſt vne grande abſurdité , voire vne mar-
que d'impuiſſance ou d'impieté en vn Roy de tole-
rer deux religions en l'eſtendue de ſon Royaume.
Que la liberté de conſcience accordee par l'Edict
de Pacification, ſoubs prétexte de deux maux éuiter
le pire n'a produit autre choſe qu'une grande obſti-
nation en l'ame des pauvres pretenduz qui comme
les hiboux fuyent maintenant la clarté du iour , en
ieu que la plus part d'entr'eux & des mieux ſenſez
ſtoient ſur le point de ſe reconcilier à l'Egliſe &
ſuivre la Religion de leurs Anceſtres ſ'ils euſſent
eu vn commandement pour excuſe & que la deli-
beration Royale ſ'en fuſt enſuiuie , tant eſt grande
ſon autorité que de ſ'eſtendre non ſeulement ſur
nos corps : mais auſſi ſur nos cœurs & ſur nos con-
ſciences ; Que pour vn petit morceau de guerre il
ne falloit point differer veu qu'en ſi beau ſubiet ou il
y a de l'honneur de Dieu & du ſalut des ames, il n'y
a ſi beau ſang reſpandu qui ne ſoit touſiours de bon-
ne emplette. Dittes vous donc ! Ha frere mon amy
vous eſtes vn peu trop eſchauffé. Tels trompettes
de guerre comme vous ne font iamais de bonne
paix , pillez patience ie vous ſupplie en attendant
que Dieu qui touché les cœurs y apporte la dernie-
re main , & ſçachez qu'il ne faut donner aux Princes
que des paroles toutes dorees confites au miel d'e-
loquence & au ſucre de la bonne grace , à la mode

du flatteur Cynethe qui n'ayant plus rien à dire pour louer les actions de Demetrius, & le voyant saisi d'une toux importune luy assëura qu'il tonnoit fort harmonieusement du gosier. Aussi c'est vne maxime de cour, receue pour oracle que celuy est vn vray badault, & ne sçait pas viure qui ne sçait vn peu dissimuler, & si vous estiez sur les lieux vous ne manqueriez pas à trouuer quelqu'un de l'ancienne Academie qui vous diroit comme à cet autre babilard. Celuy qui t'a appris à parler, t'a til point appris à te taire. Non non ce n'est pas à nous à corriger le Magnificat des Roys, mais bien à porter le bast de l'humilité sans se soucier de ce qu'ils voudrôt mettre dessus, & quelque chose qu'ils fassent on les doit tousiours honorer & applaudir comme le maçon d'Alexandre qui luy promit de tailler le mont Athos, à sa semblance & l'accoustrer en habit Royal comme il estoit.

Mais comme les chiens de Monsieur de la Meche reprenons vn peu nos brisees & sachons pour quoy les moteurs de ceste assemblée sont maintenant si retifs à se rendre à l'assignation donnee, faut il pas en bonne forme de iustice que celuy qui a actionné son compagnon se tienne prest de fournir de ses conclusions au lieu & heure cottez par l'exploit du sergent? A cela il n'y a que tenir, autrement il est condamné aux despens & en l'amande, Et si le compere Iodelet m'auoit inuité à soupper, ie voudrois qu'il se trouuast le premier au cabaret, avec le verre au poing & le ris au visage, autrement i prendrois suiet de me plaindre de luy à bon escien & si ne feroi plus estat de ses conuiues. Vous autres Messieurs, à qui ie parle, considerez ie vous prie à qui vous auez affaire, Vous n'avez point vi

Telephanes pour Roy qui ait changé le foüet de son charriot au sceptre de Lydie, Et la France qui respire sous luy ne luy est point escheuë au sort des osselets, Vous vous trouuerez aux Estats si bon vous semble: mais ie vous aduise bien que pour vn Moyne ou deux qui s'en deporteront, on ne laissera pas de faire vn Abbé. C'est vous qui les auez proposez, c'est vous qui y deuez venir des premiers, autrement on vous tiendra suspects comme perturbateurs du repos public, ennemis iurez de la Couronne, & lerez deboutez *in aeternum*, de vos honneurs & prerogatiues accoustumez. Au contraire si l'on vous y voit à procurer le bien de la paix, & remettre les affaires en meilleur ordre qu'auparauant, ha Dieu! que i'en seray ioyeux! combien de benedictions vous en aurez de tout le peuplè! Ce ne seront qu'acclamations de ioye & d'allegresse, chacun chantera vos loüanges & vos vertus plus singulieres comme de ceux qui n'auroient iamais fait autre chose, que prier Dieu, & enfiler des perles, l'honneur, comment l'honneur, c'est l'vnique saüoir des Princes, C'est luy dont la vüe vertu vous esenfiera le cœur de ce mauuais venin. que l'ambition y auoit mis, Tout sera reduit au premier point. On ne parlera plus de vos lettres ny de ces nouuemens tumultueux non plus que de ce qui fut fait en Athenes du temps du Prince Euclide.

Messieurs qui estes grands & sages, il ne faut pas esmerueiller si entre vos drogues plus exquisës, on trouue quelquesfois du brouillamini, ie dy si en vos plus belles humeurs, l'en vient à remarquer de la jalousie: iadis entre les Dieux elle fut si vehemen-
te qu'en fin ils furent contraincts d'y proceder par mesme voye que ceste cy & firent la conuocation

de leurs Estats, enuiron le Solstice d'hyuer que le croasement des Grenoüilles fut accoisé.

Et que des oyseaux le caquet ne pouuoit troubler leur parquet.

Ce fut là que que les mieux peignez furent passez à l'estamine, & qu'on leur laua les chausses en double lessiue, Ce fut là que les Dieux estrangers & ceux qui s'estoient insinuez en la troupe celeste par les voyes du Renard: & autres illicites furent chafourez de pied en cap, par le libre recit de leurs mœurs & de leurs extractions. On n'y parloit point en termes couuerts & obscurs, on n'y chuchetoit point à l'oreille pour laisser du soupçon, ny à cestuy cy, ny à cestuy la. Mais hardiement & de vne voix on accusoit ceux qui estoient dignes de reprehention. Si quelqu'un s'estoit trop haut auancé en honneur, on luy faisoit dessendre quelques degrez à l'amiable de peur qu'en se perdant vn iour comme Phaëton, il vinst à perdre toute vne contree avec luy. Les faunes bastards du Dieu Pan furent exilez de l'Olympe sans espoir d'estre rappelez. Hercule y perdit ses escrimes, & sans les beaux exploicts de Bachus aux terres neuues à peine feust il demeuré au nombre. Bref il y en eut beaucoup de Chapitrés qui eussent bien degoisé à leur tour contre d'autres de bas alloy, & qui estoient plus legers de six grains, si Iupiter ne leur eust fermé la bouche & excusé d'autorité ceux qu'il auoit inthronisez pour son plaisir. C'est pour vous dire (mes amis) qu'à l'exemple de ces Bon-decs; on pourra bien tolerer ça bas quelque faueur à vne pauvre brebis rongneuse, comme disoit le bon homme. Et à quelque Asne malotru donner pour vn temps la scelle d'armes. Iamais d'une Mouche vn Elephant, ny d'une petite pécadille, ne faisons vne grosse & monstrueuse faute.

iamais iamais : au cœur des grands ny doit naistre
vn seul brin de l'enuie. Car comme les Dipsades el-
le à ceste propriété de tenir en perpetuelle alteratiō
ceux qu'elle a morduz iusques à tant qu'ils en soyēt
suffoquez & esteints. Hé voyez encore ie vous su-
plie, nostre petit Caducée François dont ie vous
enuoyay le manuscript, & ie m'asseure que vous re-
trancherez vn grain de vostre cholere.

Nunc ad propositum tornemus dicere verum.

Ca ramenons vn peu la Gabarre à l'obier, aussi
voy-ie bien que le temps nous presse, & que Tri-
potin le disert est desja enfourné bien auant au de-
dale de sa harangue. Sachons à cest heure où iamais :
non quel est l'horloge de nos Estats, s'il est desbau-
ché ; Quelles pieces il en faut retrancher, quelles
autres y font besoin, & qu'elles roües sont en des-
ordre afin de les bien adiouster à leur poinct primi-
tif, sans qu'il y faille désormais autre chose que
l'entretien de l'huile d'oliue. Or sus, Monsieur le
Recteur, ie vous donne gain de cause, Tenons pour
presupposé que vostre Eglise demeure victorieuse,
veu comme vous dictes qu'elle n'a iamais fait autre
chose que batailler depuis qu'elle est au monde, &
qu'elle sortit toute armee pour cet effect de la bou-
che du Dieu viuant, ainsi que Pallas du cerueau de
Iupiter : Ouy, ie vous donne gain de cause, & croy
que cela ne vous peut manquer, veu le poinct de ca-
tholicité dont vous vous preualez aujourd'huy con-
tre vos aduersaires : mais permettez ie vous supplie
c'est la raison, que ie passe mō pinceau pour vn quart
d'heure sur vous autres gens de Dieu, qui voulez
seruir de lumiere à tout le monde, & n'avez pas de
chandelle pour vous esclairer en particulier : Qui
voulez estre le sel de la terre, & estes d'vne saueur si

fade que chacun en est degousté : Hé ! qui ne feroit dégousté de vos mysteres, si l'on prend garde à vos mœurs & à vos humeurs ? Il n'est homme tant respectueux qui se peult empescher de vous y donner le coup de bec, & ne me renvoyez pas pour excuse valable à ce qu'en dit l'Euangile : car la bonne vie & probité de vous autres, est en comparaison mille fois plus persuasive que les paroles. Et quoy ? si l'on fait vne desbauche en la parroisse, elle n'est pas bonne si le Curé niaiz n'y est, on l'appelle tousiours des premiers, & à défaut de luy monsieur le vicaire sera prest & deliberé d'y satisfaire avec vn habit insolent & des paroles scandaleuses. Y a-il quelque fille passagere qui ait couru la pretontaine, & se soit prostituée iusques aux gueux de l'hospital, ha voila qui est bon pour Missé Francéz, voila qui est bon pour Missé Bernard, ils n'ont point de mesnageres qui leur fassent la chambre, faut leur enuoyer la suppliante par bonne lettre d'eschange, ô que cela leur est venu bien à la main ! On dit bien vray, le gibier cherche tousiours les bons chasseurs, comme la bale les bons ioüeurs de paulme. Et donc, que dirés-vous à cela mes amis ? Ay-ie gratté où il vous demangeoit ? Vous ay-ie chatouillé en la partie offencée ? *Qui tacet, approbare videtur.* Ha ! vous ne respondes rien, il en est donc quelque chose, & bien bien, que ie vous y trouue vne autre fois. ie proteste à mon Dieu que ie vous feray essuyer le *Miserere* tant qu'il se pourra estendre, iusques à *Vitulos*, & croyez que l'*Asperges* n'y sera point oublié, ô de par Dieu, il ne faut pas que les asnes mangent ainsi le pain des Anges ! Messieurs les Prelats qui estes leurs iuges, vous y presterez vostre autorité, & ie m'assure qu'estant le denonciateur de leurs deportemens,

nous les pourrons estreindre par cy apres à vne vie plus saincte & austere : Mais voicy l'enclouëure, j'ay peur qu'en parlant à eux j'aye parlé à quelqu'un d'entre vous, dont l'instrument mal accordé les aye mis en telle decadence, & qu'en ceste poursuite de braguette il seroit à craindre qu'ils prissent leurs iuges à gaires, disants n'auoir rien fait qu'à leur imitation, qui seroit chose fort odieuse & grandement déplorable.

Sçaez vous qu'il y a, ie voudrois bien sans autre figure de proces que tels profneurs feussent interdits de ces charges pour toute leur vie, & qu'on admist en leurs places tant de braues Escholiers qui sont espars deçà de là à se curer les dents, attendans qu'il leur tombe quelque bon os en la gueule; Escholiers qui au premier iour se rendroient bons maistres, & dignes de faire valoir le *Per omnia*, en expliquant naïuement les Euangiles : mais puis que la faute en est faicte, laissons leur aualer ce Calice aux conditions prealleguées, & donnons si bon ordre à la reception de ceux qui viendront apres, qu'on n'en entende plus de reproche : *Mais tousiours tousiours des loüanges, qui puissent applaudir les Anges.* Et que ie ne voye plus aux Paruis des Abbayes & Eueschez, Monsieur le Gentilhomme venir faire le chien couchant, & qu'ester importunément pour le cadet de la maison, tantost l'archipreuer de Tailloux, tantost le Prieuré de Chilloc, tantost la Cüre de Puy-meinard, & tout pour l'amour de l'aisné, qu'il veut faire marcher comme vn paon au dessus de ses voisins, & luy resigner entièrement ses domaines, sans en rien ebrecher, comme s'il les cuidoit perpetuer en leur intégrité, & l'opposer par telle voye à la vicissitude des choses. Hé! combien à mon desplaisir

ay-le veü aux plus grandes maisons de France, les vns Cuisiniers, les autres Receueurs, les autres sommeliers, auoir des Abbayes en commande, & tenir les benefices de douze à quinze cents liures de reueu, en faueur & confidence de leur grand Monsieur ou de Madame chez qui ils sont à gages, lesquels pour la bienfiance du chasteau, saquent tout pesselles en leurs coffres & greniers, sans s'apercevoir tant l'auarice les auengle, que le bien de l'Eglise a la mesme vertu que la plume de l'Aigle; qui mise avec celle des autres oyseaux la consume en telle sorte avec le temps, qu'elle deuiant toute à rien. Hé! fy fy, cela me feroit sortir des gonds, de dire que pour vn belistre, qui n'aura pas veu la seconde regle de Despautere, & qui sçaura peut estre routiner le *Dominus pars hereditatis*, on mettra vn Prieuré ou vne Cure en la disposition de ces Messieurs, feussent ils les plus grands huguenots du Diocese: Ah! mon Euesque, oyez ce qu'en dit la Muse,

*N'en faictes rien, car tous ces benefices
Seroient à l'ame autant de venefices;
Pour luy donner de la mort le flambeau,
Et la descendre en l'inferral tombeau.*

Mais quoy? ce n'est point le Seigneur & le Gentilhomme seulement qui se iettent ainsi à la grippaille pour en auoir de tort & de traüers, le Conseiller, & le Bourgeois y sont tellemēt acoquinez, que c'est vne pitié d'en parler. Ont-ils quelque enfant songnard & qui soit lourd à la viree, ha son paquet est tout dressé, faut l'enuoyer prendre les ordres à quelque prix que ce soit: A-il le schine faicte en voute est-il torti-collis, borgne, boiteux, &c. le sort en est tout ietté, il faut resoluement le faire Prestre, & l'attacher au rastelier des freres plus ignorans, afin qu'il

es parents en soient diffinitiuement deschargez. C'est faire proprement de ees pauvres Nescyz, ce ne font les Escuyers de leurs cheuaux quand ils ont gastez: car bien qu'ils soient de bon aage, estuy-cy pour estre pouffif, s'en ira sur la banueë quester le bled & tourner les farines: l'autre qui est espaulé sera condamné pour toute sa vie à tirer le miserable charriot, & cet autre qui est dur à l'esperon & retif comme le diable, occupera la place du Malier qui fut ietté l'autrejour la voyrie.

Pardonnez mes amis, s'y porté d'une inste passion, ie vous ay mis au rang des bestes cheualieres, ie n'en diray autre chose pour le coup, veu un beau nombre d'escriuains & predicateurs sçavans qui reluisent desia entre vous, & qui me font signe de serrer la bride tout court, autrement ie n'auray de la gaulle: Je suis maintenant vostre advocat, & veux plaider pour la conseruation de vos droicts: Je veux que les decimes vous soient retranchees, & que vous ayez main-leuée d'une bonne partie au moyen des Thresoriers, Receueurs, Collecteurs & chercheurs de rogations, qui pour estre trop en nombre seront cassez de gages, & leurs droicts ravallez d'une moitié. *Sic volo, sic iubeo, sic pro ratione voluntas*, & j'ay crier biforre contre ceux qui vsurperont vos rentes & vos dixmes, & leur fulminer à belles yeux mains, comme Iupiter aux pariures, le fouet des Anathemes plus rengrauez, ie les condamne dès à present comme deslors aux execrations plus abominables des miserables damnez, à dix ongles carnassieres du Vautour infernal, & à

la rouë estincelante de feu qui iamais ne s'arreste. Ouy, ie le dis encore du bon du foye, & en dis autant & cent fois plus à vous autres Romipetes, bigasseurs, si dans le regne de Pluton on se peut imaginer des tourments plus sensibles, à deffaut desquels nouveau Perillus, i'hasarderois volontiers les perils du voyage pour y porter l'invention des suplices nouveaux. Hé! dites moy, traistres, Simoniaques, à quel tiltre voulez vous gouspiller ce qui appartient à l'Eglise de Dieu. Et pourquoy gentil Prestolé, maquignon de benefices, pourquoy viens-tu troquer ce Prieur en cestuy là, sinon pour gagner la vingtaine de pistoles? Penses-tu tromper ton maistre & tirer du pair de ces braues marchands, sous l'excuse specieuse de Permutation? Ce sont finesse cousues de filet blanc que celles-là; Tu as beau faire, l'Oremus & le chatemite mon amy, tu n'vaut pas mieux que les autres, ta pouldre est mouillée & ta meche descouverte.

C'est grand pitié, & i'oserois affirmer que de sept cents Abbayes qui sont en France des ordre saincts Benoist & Augustin, des Cisteaux & Premonstrets, respirantes sous six vingts douz Archeueschez & Eueschez, il n'y en a pas vn seule qui se puisse dire pucelle & exempte de vce mains sacrileges, pour n'estre tombee à son tour en ceste maudite venalité. Ah, Sire, donnez bon ordre ie vous supplie, & puis que le docteur Iesus nous commande d'estre ses imitateurs, laissez vous hardiment d'un bon gallebot raboteux, moy d'une houcine de sept ans & haupied, frappons de brie & de broc sur ces hap

opias, chassons les du temple de par Dieu ou de
par sa mere, & les suyons battans iusqu'à la pre-
miere riuere, pour leur faire faire clou-clou-ie:
Que là ils esteignent leur soif insatiable, & en-
rennent à la derniere baaillée.

Voila mon emouchee à demy faicte, & ma ha-
rangue qui decline à la conclusion. Que le bon
homme face la sienne s'il veut, & Mathault le
suyue de pres, tant qu'il pourra. I'ay deschauffé
le tiers de la vigne, c'est la raison que ie boiue au
baril, tandis qu'ils y vaqueront à leur tour: Et
outefois de peur qu'ils vinssent à l'oublier, ie
vous supplieray encore, mon petit Sire, c'est vn
point de grande importance, qu'il soit interdit
aux Menestriers, ie dy aux Ministres, & supposts
de la pretenduë, sur peine de la hart (en tant que
l'exercice de leur religion soit prorogé) de rece-
oir en leurs Asyles par cy apres, aucuns de nos
prestres ou Moynes defroquez: De ceux, dy ie,
seulement qui n'ont rien de constant que leur
inconstance, & qui comme les corbeaux de Noë
sortent de l'Arche de Dieu pour se jeter à la
harangue.

Voila la chandelle plus ardente de ma deuo-
tion; que ie vous prie plus qu'humblemēt d'estre
consideree: Et changeant de discours, comme à
tourner la truye au foin, Aduisez s'il vous plaist,
de raualer quelque peu de vos foiiages, si vous
auez enuie d'oster à nos pauvres laboureurs &
artisans tout suiet de refrongnement. & qu'ils
puissent disner quelquesfois à la tauerne sans
emprunter leur escot: Et encore, à propos de
tuerne, ie ne puis forment approuuer (moy qui

suis de la menicle) les exactions qui s'y font, & raison des huit & vingtquatriesmes. Quoy seroit-il raisonnable que de nostre desbauche vous fissiez vn tel profit? Ha! nenny, nenny: Et pour vous dire, ce sont autant de Mesandrope & de foudres sur le pays que ces partizans endiablez, qui pour vous auoir financé quelque somme notable, sont priuilegiez au partir de là de mettre nos pauvres hostes au bissac, en leur faisant payer, non pas la huit & vingtquatriesme partie de ce qu'ils ont gagné au debit de leur vie, mais bien le quart, voire le tiers de ce qu'ils en peuuent auoir retiré pour tour; ô de par le chat si vous sçauiez comment cela se mesnage. Les pauvres gens en prestent pour la moins la moitié & de ceste moitié prestee, sçachez qu'ils en perdent les deux tiers, en tant que ceux qui empruntent, comme vous pouuez penser, ne sont pas gents de dix mille liures de rente, qui puissent satisfaire à temps & à heure. Vous auez aussi ces gloutons de gabelleurs qui sont tout plein de voleries, outre les taxes ordinaires, par chicanes, proces & autres voyes illicites, sous couleur de vos denrees & deuoirs de l'ancienne Pancarte. Et si veulx bien que vous sçachiez, que j'ay vne dent de lait, & veulx vn mal de mort à ce fricasseux de Sigorgnes, que si i'en eusse esté creu l'autre iour, nous eussions bien frotté les machoires à deux d'entr'eux qui nous vindrēt fouiller iusques au cul, comme nous descendions par batteau à nostre Dame des Ardilliers. Ils vouloient sçauoir, disoient-ils, si nous n'auions point de sel en nos pochettes, quand vne de nos peles

nes assez plaisante, leur va dire de boutade, moitié figues, moitié raisins : Hé claquedents, vous auez dict vray, comme si nous n'auions point de sel au coin de nos cheminees pour saller les bestes comme vous. C'est pour vous faire entendre, mon petit L o v y s debonnaire, que ce n'est pas moy seul qui ay interest en cecy, & que si vous y mettez vne bonne police, plusieurs s'en sentiront grandement obligez à vostre Majesté.


Hau, Gabriel, ce direz-vous, & m'est aduis que ie vous entens : Ta requeste est vn peu bien ample, Tu me parles du plus beau reuenu de mes coffres, tu presches pour les autres & non pas pour moy, qui suis ton petit maistre & ton Roy tout naturel : Dequoy entretiendroy-ie tant de gents qui sont à mes gages si ie n'estois souldoyé ? Et moy-mesme, voudrois-tu que ie vesquisse d'eau & de figues comme le sophiste Anchimois ? Que deuiendroit la maison de ma mere & de mes freres, qui dependent plus de cent sols par iour ? Quoy la chābre aux deniers & l'Escurie ? Quoy les Officiers domestiques & l'Argenterie ? Quoy les menus affaires, les offrandes & les aumosnes ? Quoy les Gentilshommes de ma maison & les Archers des Gardes ? Quoy les Suisses & l'Artillerie ? Quoy la Venerie & Fauconnerie ? Quoy l'ordinaire & extraordinaire des guerres, tant nauales que terrestres ? Quoy les morte-payes & les galeres ? Quoy les bastiments & reparations ? Quoy les payements des Cours Souueraines ? Quoy l'Ordre & les pensions ? Quoy les gages en finances, & ceux des Capitaines des

Eaües & Forests? Quoy les voyages & Ambas-
 sades? Quoy les dons, presens, bien-faicts, &
 recompences? Quoy les deniers qu'il faut payer
 par Ordonnances? Quoy ceux qu'il conuient
 fournir tous les ans aux officiers de nostre iustice
 vniuerselle, & autres mille bagatelles qui se
 payent aux generalitez? Où cuides-tu mon bel
 amy, si ie ne suis aydé que ie puisse fabriquer tant
 de mitraille qui reuient (selon l'ancienne sup-
 putation) à plus de quatorze millions? Quand
 ie serois ce Roy de Phrigye dont parlent vos
 fables, qui changeoit tout en or, à peine y sçau-
 rois-ie suffire. Ha mon maistre vous suez gaigné,
Ne fumetis, Tout beau mon Prince; Tout beau
 nostre petit Benjamin, Nostre Poupin fauora-
 ble, que Dieu par miracle nous a suscité, qui estes
 en vertus & en graces plus odoreux & doré, que
 n'estoit en cheueux ce ieune Miracle dont parle
 Valerius Flaccus. Tout beau, encore vn coup à
 la pareille, car ie ne vous en diray plus mot, fai-
 ctes du tout à vostre fantasie, barri-barrast, se
 sauue qui pourra: Ce n'est plus à moy à repliquer,
 aussi voy-ie bien que vous auez trop bonne cau-
 se: Et sçachez quelque deliberation qui se face
 en vos Estats qu'elle sera suiue sans hesitation.
 Si c'est la paix, graces en seront rendues à vous,
 à Madame vostre mere, à Messieurs les Princes
 de la Couronne, & autres de vostre Conseil. Si
 c'est la guerre contre quelqu'un nos armes sont
 desia fourbies: Vous serez nostre ieune Hercule
 & vostre mere ceste belle & valeureuse Thele-
 fille, qui s'arma pour combattre les Spartes, &

pour laquelle les Arges entre les Dieux nombrerent Mars le fœminin. Et plus n'en dit le deposant, & à déclaré ne pouuoir signer. De la valee de misere, ce beau premier iour de l'an mil six cens quinze.

*A tant s'en va le compagnon,
Manger de la soupe à l'ongnon.*

Baso las manes dy vosta merced.



S/pq/v





